

Bosna i Hercegovina
Federacija Bosne i Hercegovine
TUZLANSKI KANTON

KANTONALNI SUD U TUZLI

Broj: 003-0-Su-19-000 621

Datum, 26. novembar 2019. godine

Na osnovu člana 74.,75. i 76. Zakona o državnoj službi u Tuzlanskom kantonu ("Službene novine Tuzlanskog kantona", broj 7/17, 10/17, 10/18 i 14/18), a u skladu sa odredbama Pravilnika o unutrašnjoj organizaciji Kantonalnog suda u Tuzli broj: 003-0-Su-16-000 163 i Odluke Vlade Tuzlanskog knatona o davanju saglasnosti za prijem 1 (jednog) državnog namještenika u radni odnos na neodređeno vrijeme broj: 02/1-34-18353/19 od 05.11.2019. godine, predsjednik Kantonalnog suda u Tuzli **objavljuje**

JAVNI OGLAS

za popunu upražnjenog radnog mjesta namještenika u radni odnos na neodređeno vrijeme

Naziv radnog mjesta:

1. Viši referent za operativno-tehničke poslove.....1 izvršilac

Opis poslova

- učestvuje kao zapisničar na pretresima, raspravama, javnim sjednicama i ročištima,
- postupa po naredbama u spisima, sređuju spise, vodi popis troškova isplaćenih iz predračunskih sredstava suda i stara se o urednosti spisa, koji su mu dodijeljeni u rad,
- vrši daktilografske poslove po diktatu na kompjuteru ili pisačkoj mašini i izrađuje transkripte zapisnika,
- sravnjava prepisanu poštu i otklanja eventualne greške,
- popunjava obrasce rješenja o naknadama svjedocima i sudijama porotnicima u predmetima pomilovanja,
- vodi poslove naplate sudske takse i njihovu evidenciju,
- vrši zamjenu sudskih dostavljača za vrijeme korištenja godišnjih odmora, plaćenog odsustva, u slučaju bolovanja i dr. i
- obavlja i druge poslove po naredbi predsjednika suda, sekretara suda, šefa Odsjeka i sudije.

Pored općih uslova predviđenih članom 76. Zakona o državnoj službi u Tuzlanskom kantonu i to:

- da je državljanin Bosne i Hercegovine;
- da je stariji od 18 godina;
- da je zdravstveno sposobno za obavljanje poslova radnog mjesta;
- da ima vrstu i stepen školske spreme potrebnu za obavljanje poslova radnog mjesta;
- da u posljednje dvije godine od dana objavljivanja javnog oglasa kandidat nije otpušten iz organa državne službe kao rezultat disciplinske kazne na bilo kojem nivou vlasti u Bosni i Hercegovini i

- da kandidat nije obuhvaćen odredbom člana IX stav 1. Ustava Bosne i Hercegovine, potrebno je da ispunjava i posebne uslove predviđene Pravilnikom o unutrašnjoj organizaciji Kantonalnog suda u Tuzli i to:

SSS, IV stepen, gimnazija, upravna, birotehnička, administrativno – tehnička, ekonomska, građevinska, rudarska, mašinska, hemijska ili druga škola društvenog, odnosno tehničkog smjera, poznavanje rada na računaru i poznavanje daktilografije, najmanje 10 mjeseci radnog staža uz obavezno testiranje.

Kandidati moraju podnijeti sljedeće dokumente, u originalu ili ovjerenoj foto – kopiji:

- Prijavu na oglas;
- Uvjerenje o državljanstvu (ne starije od 6 (šest) mjeseci);
- Izvod iz matične knjige rođenih, ne starije od 6 (šest) mjeseci;
- Svjedočanstvo ili diplomu o vrsti i stepenu školske spreme,
- Izjava ovjerena od nadležnog organa kojom se potvrđuje da u posljednje dvije godine od dana objavljivanja Javnog oglasa kandidat nije otpušten iz organa državne službe kao rezultat disciplinske kazne na bilo kojem nivou vlasti u u Bosni i Hercegovini,
- Izjava ovjerena od nadležnog organa da kandidat nije obuhvaćen odredbom člana IX stav 1. Ustava Bosne i Hercegovine;
- Dokaz o poznavanju rada na računaru;
- Dokaz o radnom stažu

Radni odnos se zasniva **na neodređeno vrijeme**.

Rok za podnošenje prijave kandidata na Javni oglas je 15 (petnaest) dana od dana objavljivanja u dnevnim novinama „Dnevni avaz“ i službenoj stranici Kantonalnog suda u Tuzli.

Neblagovremene i nepotpune prijave neće se razmatrati.

Izabrani kandidat je dužan dostaviti ljekarsko uvjerenje o općoj zdravstvenoj sposobnosti prije preuzimanja dužnosti namještenika, ne starije od 3 (tri) mjeseca.

NAPOMENA:

Sa kandidatima čije prijave budu blagovremene i potpune, obaviti će se testiranje, a nakon toga usmeni razgovor.

Prijave sa traženim dokazima o ispunjavanju svih uslova iz Javnog oglasa, osim ljekarskog uvjerenja, koje će izabrani kandidat naknadno priložiti, treba dostaviti u zatvorenoj koverti **sa naznakom „Prijava na Javni oglas za prijem namještenika u radni odnos na neodređeno vrijeme“** na adresu: **Kantonalni sud u Tuzli, ulica „Maršala Tita“ broj 137**, preporučeno putem pošte ili neposredno u prijemnu kancelariju ovog suda.



PREDSJEDNIK SUDA

Indira Hadžimehmedović